

本书出版得到国家古籍整理出版专项经费资助

清代吏治史料

线装书局

官员管理史料 四五

清代吏治史料

綫裝書局



提督貴州全省學政山西道監察御史加二級紀錄二次臣晏斯盛謹

題為特奏舞弊教職以肅官箴事竊惟教職一官為學校表率考試大典猶宜慎重雍正十年三月內臣按行大定府科試平遠州童生乃有該學學正張縉者本籍係平越府黃平州人潛將伊孫報為平遠州苗童希圖僥倖該童生西兩八號已於苗巷內取錄覆訊是日傳齊名廩生當堂識認據廩係鄒寅等首榜西兩八號童生張初元並非苗童亦非本籍實係本學教官張縉親孫隨提該學正須問俯首不能自諱又據大定府知府陳惡榮等詳稱前來與臣查詢無異除將覆試童生在外查平遠州學學正張縉居心欺詐舞弊營私以黃平而冒考平遠已干成例至以親孫而冒名苗童猶屬無耻似此詭譎不法之員理合糾奏以肅官箴臣謹特疏具

題伏乞

皇上睿鑒初部議處施行理題請

旨雍正十年四月初一日題五月初六日奉

旨張縉著嚴加議處具奏該部知道

駐劄長沙府城廵撫湖南等處地方提督軍務兼理糧餉都察院右副都御史加二級降二級從寬暫任臣趙弘恩謹

題為病軀若難供職等事該臣看得官員患病例應休致前據寶慶府屬武岡州知州葉若仁詳稱雍正九年夏初陡患吐血病症猶以年力尚強撫字催科遵循未倦不意入冬愈病勢日加力難支展懇請回籍調理臣遵批司委員驗看去後茲據駐劄長沙府城湖南布政使張聚詳據委員邵陽縣知縣鄧鈺詳稱前往驗看知州葉若仁委係染患吐血等症調治未痊並無捏飾等因具結轉齎前來臣查定例嗣後在外道府州縣等官如有一時患病而平日居官尚好於地方有益該撫於既內聲明准其回籍調理俟病愈原籍督撫給咨送部引

見補用等語今葉若仁一時患病平日居官勤慎才具頗堪辦事相應照例

題請回籍調理俟病痊補用其武岡州知州員缺原非苗種

題補之缺止兼繁難二項應聽部銓除結送部并委員暫行署理外謹會題請

旨雍正十年四月十一日題五月初六日奉

旨吏部核奏

巡撫甘肅寧夏臨鞏等處地方管理軍務兼理茶馬都察院右副都御史加五級紀錄一次謹
詳奏謹

題為特揭貪酷劣員等事該臣看得州牧一官必應以持己慎以用刑鈴束家人吏徒方為無忝
職守詎有固原知州陳恭賦性貪劣肆行酷虐臣聞聲明狼籍密諭兩司嚴查茲據按察使李
世倬等揭稱該牧雍正八年委解羊隻向當備勸借銀一百二十兩家人湯二亦索賄緝絲搭
設一件又州民張寺煥與武自輔告爭曰地該牧斷曰歸武寺煥控司批查該牧嘆煥上控重
責五十餘項傷重殞命勒取病故甘結希圖掩飾天地稅馬騰素與馬祖漢之妻通姦見另莊
之馬二亦在祖漢家行走為憑後依稅稱被竊率領多人陽開馬二之門入房探賍忽稱於驢
槽糞底尋得紬裙一條梭衫一件又將木斗一隻稱為馬百寶所失將馬二馬大鄉至伊家吊
拷後賄通州備非刑拷打束送該牧馬大馬二極口分辯該牧疊行拷夾聞州稱寬又揚運告
主員曰湯殿死伊弟楊榮燒死勒和刑房虎天保得回灣銀四十兩原差馬一剛得銀五十兩
家人湯二得銀三十兩該牧漫無覺察等情詳揭前來臣查該牧以考職州同補固原知州受
恩逾格不思報効雍正八年經臣委解羊隻稅病推該嚴押出嗣據同解羊遊擊陳璋揭其剪賣羊
毛侵扣草料固尚未審確督緝恭慶訓誠不復肆行益甚種種酷虐實難姑容所當糾奏請
旨將陳恭職與本內有名人化嚴審究擬除照例摘印紐手錢糧嚴飭確查所遺員缺遵員署理
并原揭送部外會同著督臣查即阿合詞

題奏再查牧令賢否全賴道府稽查該省之平慶道佟譽平涼府知府李洞漫無覺察並不指報

一併附奏聽候部議謹題請

旨雍正十年四月十一日題五月初六日奉

旨遵所奏陳恭着革職其貪酷情由及本內有名人犯該撫一併彙審究擬具奏餘著察議具奏該
部知道

駐劄長沙府城巡撫湖南等處地方提督軍務兼理糧餉都察院右副都御史
從寬晉任臣趙弘思謹

奏為遵例自陳等事准部咨察三年之期已屆在外督撫俱於雍正十年四月內照例自陳等
因竊臣今年四十七歲係錄紅旂漢軍趙弘名佐領下人由歲貢捐納副使道廉題五十八年
授下荆南道雍正元年于懇請罷斥案內部議雜任轉旂奉

旨引

見著回湖廣候補雍正二年十一月後岳常道雍正三年五月調補武昌道雍正四年九月丁父憂
雍正五年三月引

見著仍往湖廣遵道缺題補九月回軍器鑄爛案內部議革職擬徒分賠奉

旨著於補官日革職留任九月補武昌道雍正六年二月陞湖南按察使十月陞四川布政使雍正
七年四月署湖北巡撫五月回永順同知潘果一案奉

旨往湖南會審九月奉

旨補授湖南巡撫十月初二日到任今照部文自雍正七年起至今所行事蹟遵例自陳臣前
於雍正七年十月准部咨原任有仍帶罰俸七年九個月又罰俸三個月補官日革職留任一
案紀錄一次十一月回會審潘果一案本內無貼黃經通政使

題奉本

旨該部知道十二月因千總高天成在川長支俸銀罰俸一年雍正八年三月因湖南按察使任內
揀選同知潘果亦曾會詳部議降三級調用奉

旨從寬降一級番任四月二十一日奉

上諭內外官員革職降級番任罰俸停陞之案寬免開復在案又雍正八年四月因劉喜魁求俯竣
題參加一級十月奉

旨外省起撫俱着為從二品十二月因六安安兵毀圮加一級雍正九年五月因謝
賜瑞數圍故用

奏本罰俸三個月六月因催辦朋虧空銀數又蕭師諤未完倉數二案每案罰俸三個月十月因
掣獲陳文禮違費款牌紀錄二次雍正十年二月因舉行雍正八年

大計附存澧州州判姚浩後經察出貪劣據詳會參檢舉部議降二級調用奉
旨降二級從寬留任候經具疏

奏謝雍正十年四月准部咨所送勇健兵平常請
旨飭行奉

旨依議又因接催雍正四年地丁屯餉限滿未完罰俸三個月又接催雍正五年地丁屯餉限滿未
完罰俸三個月伏念臣一介庸愚毫無知識行蒙

聖祖仁皇帝養
隆恩濫膺道員我

皇上御極以來屢賜任全寬容疊授道篆復陞南臬即授川陽又復奉

命署理湖北撫篆旋蒙

推撫楚南吏治民風咸當整理而種邊境時切撫綏三載以來雖竭誠盡慮心敬報夫
高深而職淺材屬力實限於萬死

聖恩之提命不惜頻宣臣職之奉行終慚未逮况臣有素病近多怔忡健忘之病楚南要地責任匪

輕尚思竊位素餐重寄必多貽誤茲逢考察察官方之候理合據實自陳伏祈
皇上俯賜罷斥另簡賢能以代臣職庶封疆有託而

大典攸彰矣謹具奏

閏雍正十年四月初九日題五月初六日奉

旨趙弘恩簡任巡撫著照舊供職該部院知道

暫署浙江巡撫印務刑部右侍郎劾力行走紀錄四次臣王國棟謹
奏為恭謝

天恩事切念臣材本庸愚仰荷

皇上格外宏恩屢畀重任

高厚難名涓埃莫補自問日切悚惶臣前署山東巡撫任內因岳來工等違費級牌轉飭緝拿究著

係臣職分當為何敢仰邀議叙茲蒙

聖恩准部議覆加註紀錄二次聞

命曰天威愜無地惟有夙夜益凜冰兢寔心奮勵殫竭萬胎以庶幾仰報

隆恩于萬一所有微臣感激下悃理合恭疏

奏謝伏乞

皇上睿鑒施行謹具奏

開雍正十年四月十三日奏五月初六日奉

旨該部知道

經筵講官少保燕太子太保保和殿大學士燕管吏部戶部尚書事加四級臣張廷玉等謹
題為欽奉

上諭事該臣等議得署理江南總督尹繼善等疏稱四川拔貢李林前准部咨奉

旨命往江蘇以佐貳委用今據李林以父母年老自稱無才呈請就近改教可否准其改教回籍等

因具題前來 查雍正十年三月內臣部議准福建巡撫趙國麟題請刑後

命往各省委署試用舉人貢生題請改教者應與從前就教舉人貢生一體通較科分名次按班輪

選等因奉

旨依議欽遵在案今該署督等既稱四川拔貢李林以父母年老自稱無才呈請改教等語應如該

署督等所請李林准其以教職改補俟回四川原籍後照例入於雍正七年拔貢分內以優設

教諭銓選可也 恭候

命下臣部遵奉施行臣等未敢擅便謹

題請

旨雍正十年五月初四日題本月初八日奉

旨依議

太子太保兵部尚書熟都察院右副都御史總督河南山東等處地方軍務督理營田兼理河
道加十三級臣田文鏡謹

題為通判患病乞休事該臣看得通判一官有押運緝捕之責難以病軀供職查據布政使徐來
倫按察使陳世倌會呈署河南府通判事南陽府通判孫乾策身患痲疾兩腿酸麻沉重無力
步履艱難醫藥同效併聲明孫乾策年雖少壯才具平常取結前來臣履歷無異除結送部外

相應具

題伏乞

勅部議覆准其休致所遺員聽部銓選謹題請

旨雍正十年四月二十一日題五月初七日奉

旨吏部議奏

太子太保兵部尚書兼都察院右副都御史總督河南山東等處地方軍務督理營田兼理河
道加十三級田文鏡謹

題為報明盜犯趙徽事該臣看傳息縣契釋家案內盜犯趙李三羅有中家案內盜犯孟三劉起
詳趙徽服逃一案疎防各官既奉部覆議限一年督緝等因行據按察使陳世倬詳稱盜
犯趙李三孟三劉起詳遠逃尚未代獲查此案於雍正八年十二月二十六日准咨除封印日
期扣至雍正十年二月二十日一年限滿所有督緝不力係息縣革職知縣賈煥接任典史胡
念祖前署光州事彰德府同知查此曾接署光州事長葛縣知縣胡文元現任知州高士鏞南
汝道董自起前署按察使事解鹽道張建德前任按察使陳世倬接署按察司事鴻臚寺卿唐
繼祖現任按察使陳世倬例應併奉至臣田文鏡及署撫臣張元懷相應開列聽候部議再查
定例斬絞重犯趙徽限滿不獲照例革職離任仍留地方緝捕今此案一年限滿盜犯趙李三
等全無代獲所有息縣革職知縣賈煥應照例離任緝捕謹題請

旨雍正十年四月十八日題五月初二日奉

旨遠所奏賈煥著革任照例仍留地方與接任官協同緝捕餘著察議具奏該部知道

太子太保兵部尚書兼都察院右副都御史總督河南山東等處地方軍務督理營田兼理河
道加十三級臣田文鏡謹

題為孫令才不勝任等事竊照知縣一官職司民社凡錢穀刑名地方庶務皆其專責必須才具
優長辦事明敏方於吏治民生均有裨益臣查光山縣知縣官伯元係於雍正十年二月初六
日到任臣留心察訪迄今兩月有餘官伯元辦事遲鈍案件虛積實係拘謹吝生鮮有吏治之
才難勝牧民之任但係科甲出身文理尚通猶堪乘鐔茲據司道州詳報前來與臣察訪無異
不敢稍為優容貽誤地方相應備例具

題請

旨將官伯元改補教職所遺員缺

勅部銓選謹題請

旨雍正十年四月二十一日題五月初七日奉

旨該部議奏

太子少保吏部尚書著理陝西總督印務加二級臣查印阿謹
奏為恭謝

天恩事伏念臣仰沐

聖恩天高地厚日夜思所以仰報萬一者而不可得自奉

命駐劄辦理軍需任大責重祇因才識短淺縱百計圖維而心力未能周到所以時自刻責時自恐
懼寢食不能自安我

皇上深居九重遠隔數千里事事先期籌畫

睿英指示無不洞中機

聖明天縱起越萬古伏蒙

聖恩憫臣未諳事無大小

訓諭詳明伴臣得以遵奉辦理臣即敬謹奉行尚恐未能妥協是微臣之辦理祇有恪遵
聖訓臣賢毫無寸長乃蒙

聖主恩獎突臣分所為不敢當臣心所為不敢安者能不慚愧交并感激無地惟是我
皇上逾格之

特恩有加無已臣又不敢叩辭

恩叙惟有勉竭駑駘凜遵

訓音兢兢業業以圖上報涓埃已耳所有微臣感愧愚忱理合恭疏

奏謝伏祈

望上府鑒施行為此謹具奏

開雍正十年四月初六日題五月初七日奉

旨該部知道

巡撫福建等處地方提督軍務都察右副都御史紀錄一次降二級留任
麟趾 蘇制福州府臣趙國

奏為遵例自陳事竊臣一介庸愚服官以來供職無狀慙過多端荷蒙

皇上教誨裁蒙

特恩超擢由縣令歷陞巡撫非勉竭駑駘莫能仰報

高深於萬一清夜捫心實難自問竊思巡撫一官有整飭地方察吏安民之重寄况閩省負山環海

為邊徼要區一切機宜事務尤關繁要臣才識短淺者所克勝任茲屆自陳澄敘官方之日

伏懇

皇上俯念海疆要地憫臣愚鈍

特賜罷斥另簡賢能來閩以資料理俾臣獲免墮越之愆益感

聖恩於無既矣謹具奏

閩雍正十年四月初三日奏五月初七日奉

旨趙國麟簡任巡撫著照舊供職該部院知道